

**БОСНА И ХЕРЦЕГОВИНА**  
**ПАРЛАМЕНТАРНА СКУПШТИНА**  
**БОСНЕ И ХЕРЦЕГОВИНЕ**  
**ПРЕДСТАВНИЧКИ ДОМ**

Комисија за спољну трговину и царине



**BOSNA I HERCEGOVINA**  
**PARLAMENTARNA SKUPŠTINA**  
**BOSNE I HERCEGOVINE**  
**PREDSTAVNIČKI DOM/ZASTUPNIČKI DOM**

Комисија за ванјску трговину и царине  
Повјеренство за ванјску трговину и царине

Број: 01/3-50-3-3-8/20  
Сарајево, 8. 12. 2020.



**BOSNA I HERCEGOVINA**  
**PARLAMENTARNA SKUPŠTINA BOSNE I HERCEGOVINE**  
**SARAJEVO**

PRIMLJENO: 29-12-2020

Organizaciona jedinica	Klasifikaciona oznaka	Redni broj	Broj priloga

h

**ZAPISNIK**

**8. sjednice Komisije za vanjsku trgovinu i carine**  
**Predstavničkog doma Parlamentarne skupštine BiH,**  
**održane 8. 12. 2020.**

Sjednicu Komisije za vanjsku trgovinu i carine Predstavničkog doma Parlamentarne skupštine BiH (u daljnjem tekstu: Komisija) sazvaio je Dragan Bogdanić, predsjedavajući Komisije.

S obzirom na to da Dragan Bogdanić, predsjedavajući Komisije, nije mogao prisustvovati, sjednicom je predsjedavao prvi zamjenik predsjedavajućeg Mijo Matanović.

Sjednica je počela u 11.00 sati.

Sjednici su prisustvovali: Mijo Matanović, Edin Mušić, Šemsudin Mehmedović, Zukan Helez, Damir Arnaut i s malim kašnjenjem Nenad Stevandić.

Sjednici Komisije opravdano nisu prisustvovali: Dragan Bogdanić, Mirko Šarović i Enver Bijedić.

Sjednici je prisustvovao podnosilac poslaničke inicijative Denis Zvizdić

Sjednici su, također, prisustvovali: Kenan Hodžić, šef kabineta predsjedavajućeg/zamjenika predsjedavajućeg Predstavničkog doma Parlamentarne skupštine BiH Denisa Zvizdića, Mirjana Crnjak, sekretarka Komisije za vanjsku trgovinu i carine, Zoran Žuža, šef Odjela za informiranje u Sektoru za odnose s javnošću Sekretarijata Parlamentarne skupštine BiH.

Prvi zamjenik predsjedavajućeg Komisije Mijo Matanović otvorio je 8. sjednicu Komisije i konstatirao da postoji kvorum, jer sjednici prisustvuje pet od ukupno devet članova.

Nakon što je prvi zamjenik predsjedavajućeg Mijo Matanović konstatirao da sjednici prisustvuje pet članova i da sjednica ima kvorum za rad, na sjednicu je došao šesti član Komisije Nenad Stevandić.

Prvi zamjenik predsjedavajućeg pročitao je predloženi dnevni red 8. sjednice. Budući da nije bilo izmjena ni dopuna dnevnoga reda, prvi zamjenik predsjedavajućeg Komisije konstatirao je da 8. sjednica ima sljedeći

## DNEVNI RED

1. Usvajanje Zapisnika 7. sjednice Komisije;
2. Razmatranje poslaničke inicijative Denisa Zvizdića „kojom Predstavnički dom Parlamentarne skupštine BiH zadužuje Vijeće ministara BiH da, u roku od 60 dana od dana usvajanja ove inicijative, pripremi i u parlamentarnu proceduru uputi Prijedlog zakona o nadzoru nad tržištem Bosne i Hercegovine, radi njegovog usklađivanja s pravnom tečevinom Evropske unije, odnosno Uredbom br. 765/2008 Evropskog parlamenta i Vijeća od 9. 7. 2008, kojom se utvrđuju zahtjevi za akreditiranje i nadzor nad tržištem koji se odnose na stavljanje na tržište različitih proizvoda“, broj: 01-50-1-2168/20 od 5. 11. 2020;
3. Razmatranje poslaničke inicijative Denisa Zvizdića „kojom Predstavnički dom Parlamentarne skupštine BiH zadužuje Vijeće ministara BiH da u što kraćem roku, a ne kasnije od 30 dana od dana usvajanja ove inicijative, pripremi i u parlamentarnu proceduru uputi Prijedlog zakona o regulatoru električne energije i prirodnog gasa, prijenosu i tržištu električne energije u Bosni i Hercegovini, kako bi realizirali obaveze iz Trećeg energetskog paketa iz Ugovora o uspostavi Energetske zajednice i obaveze preuzete Analitičkim izvještajem Evropske komisije iz Mišljenja Evropske komisije o zahtjevu Bosne i Hercegovine za članstvo u Evropskoj uniji“, broj: 01-50-1-2169/20 od 5. 11. 2020;
4. Razmatranje poslaničke inicijative Denisa Zvizdića „kojom Predstavnički dom Parlamentarne skupštine BiH zadužuje Ministarstvo vanjske trgovine i ekonomskih odnosa BiH da u roku od 60 dana od dana usvajanja ove inicijative izradi i dostavi Vijeću ministara BiH na usvajanje prvi nacrt integriranog energetskog i klimatskog plana Bosne i Hercegovine (NECP), a što je obaveza ovog ministarstva iz Akcionog plana Vijeća ministara Bosne i Hercegovine za realizaciju prioriteta iz Analitičkog izvještaja Evropske komisije“, broj: 01-50-1-2172/20 od 5. 11. 2020;
5. Tekuća pitanja.

### **Ad. 1. Usvajanje Zapisnika 7. sjednice Komisije**

Na Zapisnik 7. sjednice Komisije nije bilo primjedbi, te je, s pet glasova „za“, jednim glasom „suzdržan“ i bez glasova „protiv“, Zapisnik usvojen.

**Ad. 2. Razmatranje poslaničke inicijative Denisa Zvizdića „kojom Predstavnički dom Parlamentarne skupštine BiH zadužuje Vijeće ministara BiH da u roku od 60 dana od dana usvajanja ove inicijative, pripremi i u parlamentarnu proceduru uputi Prijedlog zakona o nadzoru nad tržištem Bosne i Hercegovine, radi njegovog usklađivanja s pravnom tečevinom Evropske unije, odnosno Uredbom br. 765/2008 Evropskog parlamenta i Vijeća od 9. 7. 2008, kojom se utvrđuju zahtjevi za akreditiranje i nadzor nad tržištem koji se odnose na stavljanje na tržište različitih proizvoda“, broj: 01-50-1-2168/20 od 5. 11. 2020.**

Prvi zamjenik predsjedavajućeg Mijo Matanović dao je uvodne napomene za ovu tačku. Kazao je da je Kolegij Predstavničkog doma Parlamentarne skupštine BiH na 29. sjednici, održanoj

24. 11. 2020, razmotrio poslaničku inicijativu Denisa Zvizdića i kao nadležne za razmatranje navedene inicijative, u skladu s članom 20. tačka e) Poslovnika Predstavničkog doma Parlamentarne skupštine BiH, br. 79/14, 81/15, 97/15, 78/19 i 26/20, odredio Komisiju za vanjsku trgovinu i carine Predstavničkog doma Parlamentarne skupštine BiH i Zajedničku komisiju za evropske integracije Parlamentarne skupštine BiH.

Zatim je riječ dao podnosiocu inicijative Denisu Zvizdiću.

Denis Zvizdić ukratko je obrazložio razloge podnošenja ove inicijative kazavši da se radi o tehničkom unapređenju Zakona o nadzoru nad tržištem Bosne i Hercegovine i njegovo usklađivanje s pravnom tečevinom Evropske unije, a što je obaveza iz Sporazuma o stabilizaciji i pridruživanju da se radi kontinuirano usklađivanje u ovoj oblasti.

Zatim je Mijo Matanović otvorio raspravu.

U raspravi su učestvovali Nenad Stevandić i Šemsudin Mehmedović.

Zatim se pristupilo glasanju.

Komisija je, s pet glasova „za“, jednim glasom „suzdržan“ i bez glasova „protiv“, podržala poslaničku inicijativu Denisa Zvizdića „kojom Predstavnički dom Parlamentarne skupštine BiH zadužuje Vijeće ministara BiH da u roku od 60 dana od dana usvajanja ove inicijative, pripremi i u parlamentarnu proceduru uputi Prijedlog zakona o nadzoru nad tržištem Bosne i Hercegovine, radi njegovog usklađivanja s pravnom tečevinom Evropske unije, odnosno Uredbom br. 765/2008 Evropskog parlamenta i Vijeća od 9. 7. 2008, kojom se utvrđuju zahtjevi za akreditiranje i nadzor nad tržištem koji se odnose na stavljanje na tržište različitih proizvoda“, broj: 01-50-1-2168/20 od 5. 11. 2020, podnesenu u skladu s odredbama Poslovnika Predstavničkog doma Parlamentarne skupštine BiH. Komisija je zaključila da poslaničku inicijativu Denisa Zvizdića uputi u daljnju proceduru u skladu s Poslovnikom Predstavničkog doma Parlamentarne skupštine BiH.

**Ad. 3. Razmatranje poslaničke inicijative Denisa Zvizdića „kojom Predstavnički dom Parlamentarne skupštine BiH zadužuje Vijeće ministara BiH da u što kraćem roku, a ne kasnije od 30 dana od dana usvajanja ove inicijative, pripremi i u parlamentarnu proceduru uputi Prijedlog zakona o regulatoru električne energije i prirodnog gasa, prijenosu i tržištu električne energije u Bosni i Hercegovini, kako bi realizirali obaveze iz Trećeg energetskog paketa iz Ugovora o uspostavi Energetske zajednice i obaveze preuzete Analitičkim izvještajem Evropske komisije iz Mišljenja Evropske komisije o zahtjevu Bosne i Hercegovine za članstvo u Evropskoj uniji“, broj: 01-50-1-2169/20 od 5. 11. 2020.**

U vezi s ovom poslaničkom inicijativom Denisa Zvizdića, Mijo Matanović kazao je da je Kolegij Predstavničkog doma Parlamentarne skupštine BiH na 29. sjednici, održanoj 24.11.2020, razmotrio poslaničku inicijativu Denisa Zvizdića i kao nadležne za razmatranje navedene inicijative, u skladu s članom 20. tačka e) Poslovnika Predstavničkog doma

Parlamentarne skupštine BiH, br. 79/14, 81/15, 97/15, 78/19 i 26/20, odredio Komisiju za vanjsku trgovinu i carine Predstavničkog doma Parlamentarne skupštine BiH i Zajedničku komisiju za evropske integracije Parlamentarne skupštine BiH.

Zatim je riječ dao podnosiocu inicijative Denisu Zvizdiću.

Denis Zvizdić ukratko je obrazložio razloge podnošenja ove inicijative, kazavši da želi dati podršku resornom Ministarstvu vanjske trgovine i ekonomskih odnosa BiH da ubrza potrebne procedure kako bi imali u parlamentarnoj proceduri ova zakonska rješenja, kako bi realizirali obaveze iz Trećeg energetskog paketa iz Ugovora o uspostavi Energetske zajednice i obaveze preuzete Analitičkim izvještajem Evropske komisije iz Mišljenja Evropske komisije o zahtjevu Bosne i Hercegovine za članstvo u Evropskoj uniji.

Zatim je Mijo Matanović otvorio raspravu.

U raspravi su učestvovali: Nenad Stevandić, Šemsudin Mehmedović, Zukan Helez i Damir Arnaut.

Zatim se pristupilo glasanju.

Komisija je, s pet glasova „za“, jednim glasom „protiv“ i bez glasova „suzdržan“, podržala poslaničku inicijativu Denisa Zvizdića „kojom Predstavnički dom Parlamentarne skupštine BiH zadužuje Vijeće ministara BiH da u što kraćem roku, a ne kasnije od 30 dana od dana usvajanja ove inicijative, pripremi i u parlamentarnu proceduru uputi Prijedlog zakona o regulatoru električne energije i prirodnog gasa, prijenosu i tržištu električne energije u Bosni i Hercegovini, kako bi realizirali obaveze iz Trećeg energetskog paketa iz Ugovora o uspostavi Energetske zajednice i obaveze preuzete Analitičkim izvještajem Evropske komisije iz Mišljenja Evropske komisije o zahtjevu Bosne i Hercegovine za članstvo u Evropskoj uniji“, broj: 01-50-1-2169/20 od 5. 11. 2020, i zaključila da poslaničku inicijativu Denisa Zvizdića uputi u daljnju proceduru u skladu s Poslovníkom Predstavničkog doma Parlamentarne skupštine BiH.

Nakon ove tačke Nenad Stevandić napustio je sjednicu Komisije.

Komisija je nastavila raditi jer je imala kvorum od pet članova.

**Ad. 4. Razmatranje poslaničke inicijative Denisa Zvizdića „kojom Predstavnički dom Parlamentarne skupštine BiH zadužuje Ministarstvo vanjske trgovine i ekonomskih odnosa BiH da u roku od 60 dana od dana usvajanja ove inicijative izradi i dostavi Vijeću ministara BiH na usvajanje prvi nacrt integriranog energetskog i klimatskog plana Bosne i Hercegovine (NECP), a što je obaveza ovog ministarstva iz Akcionog plana Vijeća ministara BiH za realizaciju prioriteta iz Analitičkog izvještaja Evropske komisije“, broj: 01-50-1-2172/20 od 5. 11. 2020.**



Mijo Matanović kazao je da je također i ovu poslaničku inicijativu Denisa Zvizdića Kolegij Predstavničkog doma Parlamentarne skupštine BiH na 29. sjednici, održanoj 24.11.2020, razmotrio i kao nadležne za razmatranje navedene inicijative, u skladu s članom 20. tačka e) Poslovnika Predstavničkog doma Parlamentarne skupštine BiH, br. 79/14, 81/15, 97/15, 78/19 i 26/20, odredio Komisiju za vanjsku trgovinu i carine Predstavničkog doma Parlamentarne skupštine BiH i Zajedničku komisiju za evropske integracije Parlamentarne skupštine BiH.

Zatim je riječ dao podnosiocu inicijative Denisu Zvizdiću.

Denis Zvizdić ukratko je obrazložio razloge podnošenja ove inicijative, kojom traži da Predstavnički dom Parlamentarne skupštine BiH zaduži Ministarstvo vanjske trgovine i ekonomskih odnosa BiH da u roku od 60 dana od dana usvajanja ove inicijative izradi i dostavi Vijeću ministara BiH na usvajanje prvi nacrt integriranog energetskog i klimatskog plana Bosne i Hercegovine (NECP), a što je obaveza ovog ministarstva iz Akcionog plana Vijeća ministara BiH za realizaciju prioriteta iz Analitičkog izvještaja Evropske komisije.

Mijo Matanović otvorio je raspravu.

Nije bilo prijavljenih za raspravu te se pristupilo glasanju.

Komisija je jednoglasno podržala poslaničku inicijativu Denisa Zvizdića „kojom Predstavnički dom Parlamentarne skupštine BiH zadužuje Ministarstvo vanjske trgovine i ekonomskih odnosa BiH da u roku od 60 dana od dana usvajanja ove inicijative izradi i dostavi Vijeću ministara BiH na usvajanje prvi nacrt integriranog energetskog i klimatskog plana Bosne i Hercegovine (NECP), a što je obaveza ovog ministarstva iz Akcionog plana Vijeća ministara BiH za realizaciju prioriteta iz Analitičkog izvještaja Evropske komisije“, broj: 01-50-1-2172/20 od 5. 11. 2020. i zaključila da i ovu poslaničku inicijativu Denisa Zvizdića uputi u daljnju proceduru u skladu s Poslovnikom Predstavničkog doma Parlamentarne skupštine BiH.

#### **Ad. 5. Tekuća pitanja**

U okviru ove tačke dnevnog reda Mijo Matanović, prvi zamjenik predsjedavajućeg Komisije upoznao je prisutne da je na osnovu usvojenog Zaključka na 6. sjednici Komisije, održane 14.9.2020, Uprava za indirektno oporezivanje - Glavni ured iz Banje Luke - dostavila traženu informaciju koja će biti osnova razgovora na radnom sastanku s menadžmentom u Banjoj Luci. Kazao je da će sastanak biti održan **u utorak, 15. 12. 2020, u 14.00 sati (vrijeme održavanja sastanka utvrđeno nakon održavanja sjednice)** u prostorijama UIO - Glavni ured u Banjoj Luci, te da će sastanku prisustvovati sljedeći predstavnici Uprave za indirektno oporezivanje BiH: Miro Džakula, direktor Uprave, Rosa Janković, šef kabineta direktora, Elvir Muminović, pomoćnik direktora Sektora za poslovne usluge, Vladimir Dragičević, pomoćnik direktora Sektora za carine, Muharem Mašinović, pomoćnik direktora Sektora za poreze, Danijela Jozić,

pomoćnica direktora Sektora za provođenje propisa, Svjetlana Perković, pomoćnica direktora Sektora za informacione tehnologije, Munevera Dedić, načelnica Odjeljenja za internu reviziju, Ratko Kovačević, načelnik Odjeljenja za komunikacije i međunarodnu saradnju, Azra Dedić, načelnica Odjeljenja za pravne poslove, i Sabina Kuršumović, načelnica Odjeljenja za analizu i upravljanje rizicima.

Sekretarka Komisije će vam putem e-maila poslati sve informacije za navedeno putovanje, kazao je Mijo Matanović.

Budući da nije bilo više prijedloga, Mijo Matanović zaključio je sjednicu Komisije.

Sjednica je završena u 11. 55 sati.

**Sekretarka Komisije**

Mirjana Crnjak

**Prvi zamjenik predsjedavajućeg Komisije**

Mijo Matanović